

摘藻堂四庫全書薈要

集部

欽定四庫全書薈要

集部

御選明詩卷七十五

詳校官原任主事

臣李斯咏



欽定四庫全書薈要卷一萬八千五百七十五

集部

御選明詩卷七十五

七言律詩八

王汝章

寄席心齋

老子齋心與世違  
山中春雨藥苗肥  
騎將鶴去身俱瘦  
鍊得丹成骨自飛  
青簡風雷行祕籙  
紫綃雲霧出仙衣  
明年海上金桃熟  
并就安期作燕歸

簡心齋席鍊師

山色搖春發翠妍，憑軒把酒答流年。  
自知原憲貧非病，人謂陶潛醉欲眠。  
霧洗百花薰白日，天開一鳥入青煙。  
席謙已作東遊想，異氣看從海上先。

送席心齋住白鶴觀

昔在鴻山遇席謙，長松落雪下飛簷。  
道歸玉局心逾達，詩到珠宮律更嚴。  
鸞版畫明雲擁座，龍文夜誦月窺簾。  
應思慈母營甘旨，春雨園林笋露尖。

顧辰

題錢山水仙花

宴罷瑤池曙色涼  
凌波仙子試新妝  
金盤露積珠襦重  
玉佩風生翠帶長  
萬里弱流通閬苑  
一簾疎雨隔瀟湘  
歲寒林下花時節  
只許梅花壓衆芳

陸鈇

次韻荅亭甫

水繞城圍二萬家  
市門潮落露寒沙  
橋連白塔吟風葉

路憶新隄卧雨花自愧兒童辭邑里每因朋舊惜年華  
他時歸卧吳江上應借滄洲十頃霞

李東陽

立春日車駕詣南郊

暖香和露繞蓬萊彩仗迎春曉殿開北斗舊杓依歲轉  
南郊佳氣隔城來雲行複道龍隨輦霧散仙壇日滿臺  
不似漢家還五時甘泉誰羨校書才

元日早朝

九門深掩禁城春  
香霧籠街不動塵  
玉帳寒更傳虎衛  
彤樓曉色聽雞人  
簾前樂應紅燈起  
階下班隨綵仗陳  
朝散東華看霽日  
午煙晴市一時新

雪後早朝

六日長安雪滿城  
五更鐘鼓一時晴  
水精宮冷雲猶凍  
鵷鵲樓高月正明  
朝馬不嘶金勒靜  
院燈無影玉堂清  
祇應天上寒如許  
怪底人間夢不成

郊祀喜晴有述

碧霄煙盡露華凝目極瑤壇第九層清珮緩隨馳道月

絳籠高應午門燈

郊祀時樹大燈籠與正陽門燈相應

風傳廣樂聲初下

天近燔柴氣已升人意可占神意悅萬年靈祚永堪膺

十八日聽傳臚有作

金蓮影與赭袍明華蓋前頭次第行黃紙數行丹詔字  
鴻臚三唱甲科名雲邊曉日中天見夢裏春雷昨夜聲  
歸向長安聽人語聖朝羅網盡豪英

賜藕



祇向名花看畫圖  
忽驚仙骨在泥塗  
輕同握雪愁先碎  
細比餐冰聽却無  
郭北芳菲懷故里  
江南風味憶西湖  
渴塵此夜消應盡  
未羨金莖與玉壺

分獻次青谿太宰韻

時青谿分得星  
辰二是日立春

星壇對立本聯班  
複磴憑空不易攀  
良久夜方移斗柄  
早時春已到人間  
朱旗影隔天門靜  
玉珮聲隨閣道還  
舊日同年今並命  
共從光霽識威顏

齋居和世賞編修韻

半夜開門雪滿坡清吟無奈玉人何人間路與紅塵隔  
天上春隨翠輦過靈吹下時神語寂瓊樓高處曉寒多  
笙簫本是虞廷樂不為秋風起櫂歌

九峰書屋和曹時和韻

江上草亭新卜築已聞揚子著書成每逢社日聊隨俗  
久住青山却有情霜入晚松經歲老雨繁春笋過鄰生  
小堂若許臨江閣杖屨無須足馬迎

和若虛郎中贈行韻

赤日黃塵馬倦行石橋山店有官程城頭路盡千峰隔  
袖裏詩來兩腋清蟬雜柳風秋漸遠鶴翻松露夜還驚  
欲知小吏將詩意記取柴門剝啄聲

和韻寄荅陳汝礪掌教

寂寞天涯歎所依海風江月意俱違茱萸歲改身仍健  
苜蓿秋荒馬不肥白雪屢傳新調寡青雲半覺舊人非  
家山不隔長安路應倚南樓望夕暉

遊城西故趙尚書果園與蕭文明李士常陳玉

汝潘時用倡和四首

漫憶江湖萬里遊  
西園風景似東州  
青苔地濕頻經雨  
白苧涼生不待秋  
塵事已醒前日夢  
歲華空白幾人頭  
松醪載得渾拚醉  
莫遣飛花浪作愁

官曹無計可招尋  
坐愛林風滿素襟  
醉後頗思醒酒石  
貧來須辦買山金  
花蹊柳徑稀疎見  
茗盃冰壺次第斟  
欲問五陵歌舞地  
幾家園樹得成陰

句入西園字字清  
葛衣紗帽稱閒行  
苔侵翠壁應全徧

果熟青林已暗生，流水斷堤人共遠。  
片雲孤鳥意俱輕，閒官愛說山中話。  
為有歸田錄未成。

殘樽繫馬立斜陽，忽送秋聲滿樹涼。  
花落始知留客久，雨來偏為作詩忙。  
山堂竹戶寒猶閉，石徑苔泥滑不妨。  
獨有園人愛霑灑，不隨僮僕問歸裝。

飲士常新居和席上聯句韻

寂寞官曹似隱居，清風時動一牀書。  
花應旋種闌將滿，客不頻來席尚虛。  
詩好忽驚傳錦字，酒狂真欲換金魚。

多情愧有東鄰卜已辦城西款段車

遊白秉德西園次韻

行逐溪流過野亭望疑山色繞空冥池魚自躍非因餌  
園蝶還飛不受局傍渚幽花憐寂寞舞風疎柳愛娉婷  
郎君門地清如水不待平泉石已醒

和王世賞韻

石門惟許白雲留我亦何心戀此遊竹裏行厨煙未午  
水邊蕭寺葉先秋行貪覓句忘吹帽醉怯登高不上樓

詩景滿前誰會得野僧名是遠公流

邵東曹墮馬傷足次武昌韻

十年雙足躡詞場我亦憐君墜後傷歷塊敢誇千里俊  
乘船翻笑四明狂扶顛老僕空隨路學仆嬌兒更倚堂  
應似崔家亭下鷺獨拳秋雨向寒塘

次韻賀彭閣老先生二首

吏部銜清帶翰林路隨仙步轉高深人間別有登雲地  
天下空勞仰斗心瀛海新波添夜雨玉堂喬木長春陰

歸來更覺門如水不受車塵半點侵

半生名行重儒林吏隱官曹歲月深  
文靖舊無旋馬地敏中元有耐官心  
川原煖入三春雨殿閣涼分六月陰  
欲效禹偁書院壁向來官序敢相侵

次韻荅愧齋先生

歷歷星霜歲屢移病來雙鬢幾莖絲  
故人別久翻疑夢往事心勞尚有期  
天上浮雲初變日江南芳草未青時  
祇應千里神交地不識人間是路岐



次韻寄題鏡川先生後樂園二首

藥闌花圃背堂開一日朝回幾度來  
范老心終念廊廟  
寇公家不起樓臺  
海邊釣石鷗盟遠  
松下棋聲鶴夢回  
多少舊題詩句在  
碧紗籠底認青苔

綠陰繁處小堂開  
野蝶園蜂自去來  
細草有情雙駐屐  
遠山無數一登臺  
幽花坐愛栽時滿  
俗客空教到後回  
病起三年猶未賞  
短垣多雨長莓苔

次夏提學韻

衣袖歸時雨盡沾卧聞涼葉響虛簷鳥情幽寂將依樹  
苔意黃緣欲上簾靜裏祇應閒尚在病來長與懶相兼  
讀書自笑成何事細取蟲魚幾字添

得匏菴觀造雨篇詩輒次韻

結構親勞較短長棟材應不棄餘良平分屋角三重溜  
巧借簷陰二尺涼闔外青山猶可送簾前紫燕莫愁妨  
從今穩作城東客雨笠煙蓑不用將

寄應寧提學用留別韻

天上詞垣近省闈十年毛羽愛追飛  
南池水煖鷗重化西華風高雁未歸  
絕足風塵須獨步初心道德肯相違  
網羅剩有求才意未放山林老布衣

用韻荅邃菴

嶽麓峰前湘水陰思歸無計豁煩襟  
亦知吳越非吾土未必功名是我心  
地上青山隨處有鏡中華髮逐年深  
故人只在鄰州住空谷他時聽足音

京都十景 錄六首

瓊島春雲

瑤峰獨立倚空蒼  
雲去雲來兩不妨  
旋逐春寒生苑樹  
更隨晴日度宮牆  
玉皇居處重樓擁  
太史占時五色光  
若與山龍同作繪  
也須能補舜衣裳

薊門煙樹

薊丘城外訪遺蹤  
樹色煙光遠更重  
飛雨過時青未了  
落花殘處綠還濃  
路迷南郭將三里  
望斷西林有數峰  
坐久不知遲日霽  
隔溪僧寺午時鐘

盧溝曉月

霜落桑乾水未枯  
曉空雲盡月輪孤  
一林燈影稀還見  
十里川光澹欲無  
不斷鄰雞催短夢  
頻來征馬識長途  
石闌橋上時翹首  
應傍清虛憶帝都

金臺夕照

往事虛傳郭隗宮  
荒臺半倚夕陽中  
迴光寂寂千山斂  
落影蕭蕭萬樹空  
飛鳥亂隨天上下  
歸人競指路西東  
黃金莫問招賢地  
一代衣冠此會同

南園秋風

別苑臨城輦路開，天風昨夜起宮槐。  
秋隨萬馬嘶空至，曉送千旂拂地來。  
落雁遠驚雲外浦，飛鷹欲下水邊臺。  
宸遊睿藻年年事，況有長楊侍從才。

東郊時雨

鳴鳩將雨過東林，細草青郊望轉深。  
潤入土膏春脈脈，暝含山色晝沉沉。  
尋花問柳遊人興，荷鍤扶犁野老心。  
見說帝城多景物，春晴未必勝春陰。

橫塘春水

君家住在橫塘北長見洲邊春水生  
窈窕斜通山澗曲分明直與釣磯平  
比鄰鵝鴨應無數近渚鳬鷺亦有情  
明日看花到南岸小舟搖蕩不須撐

團墩秋月

庾亮樓前月正明謝公墩上雨初晴  
清光照我雙吟鬢此夜懷人萬里情  
隔竹流螢看不見繞枝羈鳥宿還驚  
天涯一望鄉心切腸斷秋山笛裏聲

梅澗

地僻沙寒水更清老梅偏向澗邊橫  
風吹落瓣仍低隕石壓傍枝却倒生  
野鶴對人輕欲舞蹇驢衝雪瘦能行  
山翁只在中老看盡春光不入城

體齋西軒觀玉簪花偶作

小園紆步玉堂陰堂下花開白玉簪  
浥露餘香猶帶濕出泥幽意敢辭深  
冰霜自與孤高色風雨長懷掇心  
醉後相思不相見月庭如水正難尋



風雨種竹

石闌沙路雨聲乾，為欠蕭蕭一兩竿。  
深帶土膏從地底，暝移茅屋過江干。  
方於辰日依時種，影待晴天拂翠看。  
試倚蓬窗聽疎密，布袍沾盡不知寒。

夜窓聽雨

蕭蕭殘雨入深更，半灑疎牕半拂楹。  
芳草池塘應有夢，落花庭院不勝情。  
聽疑野寺昏鐘遠，望憶江船夜火明。  
明日曉晴須出郭，葛衣藜杖一時輕。

柳岸垂綸

釣魚磯上晚風多，拂拂垂楊渺渺波。  
行過酒家來別岸，坐移林影下前坡。  
聊將短日供長線，又見新條綰舊蓑。  
老去祇應家在此，不須盤石更垂蘿。

糝徑楊花

漠漠楊花帶遠天，舞如輕雪糝如氈。  
行當僻處隨人到，風向多時著意偏。  
地濕似霑前夜雨，日斜猶颺隔溪煙。  
春光到此真須惜，莫愛牀頭沽酒錢。

卜居一首東南屏

日下園亭秋氣陰故人相見暫開襟  
買田陽羨蘇公計客舍并州賈島心  
老至尚誇詩力健病回猶怯酒杯深  
歸來謾作鐙前話却喜妻兒是賞音

九日盆菊盛開將出郭有作

買得長安擔上秋南山只在屋西頭  
花開正好逢佳節身病那堪復遠遊  
昨夜月明空對酒晚來風急怕登樓  
多情重有燈前約為報花神作意留

重經西涯

缺岸危橋斷復行  
野人相見不通名  
轆轤聲裏田田水  
楊柳枝頭樹樹鶯  
看竹東林無舊主  
買山南國有新盟  
不知城外春多少  
芳草晴煙已滿城

再經西涯

拂樹穿雲二里堤  
綠陰深處鶉鳩啼  
背城古路車塵少  
隔岸人家酒幔低  
清愛野僧來紫袖  
醉扶童子當青藜  
相逢却恐知名姓  
不向慈恩寺裏題

病中言懷

門掩疎籬雪滿池  
夜寒惟有病先知  
冰輪影薄當窻近  
竹葉聲稀到枕遲  
三徑業荒秋去後  
十年心苦夢醒時  
一身經濟元無術  
醫國如今合付誰

西山雜詩

日日車塵馬足間  
夢魂連夜到西山  
近郊地在翻成遠  
出郭身來始是閒  
雲裏盪胸看縹緲  
溪邊洗耳聽潺湲  
秋風忽散城頭雨  
先為遊人一解顏

下馬溪橋散步行  
暑風稀紵入林清  
村穀野飯息息發  
碧水青山面面迎  
踏盡平堤憐草綠  
到來幽谷見雲生  
西湖勝事年年別  
幾日愁多不出城

路繞山根斷却連  
亂藤深竹寺門前  
貧憐白屋蒸藜餉  
倦愛清溪枕石眠  
載酒欲呼狂客醉  
留詩聊結野僧緣  
深山六月無炎暑  
一坐西風萬樹蟬

路入西巖小洞天  
碧牀青磴許黃緣  
山中歲月空寒暑  
世外緇黃亦化遷  
崖蘚剥餘猶有字  
石泓陰處欲通泉

相逢擬就湯休宿野性從來不解禪

望盡孤雲入杳冥翠微深處一茅亭高臺地迴秋先至  
古榻僧閒晝亦扃詩思更隨流水遠醉魂還為碧山醒  
馮虛試徹凌雲調應有遊人下界聽

數頃湖田一半荒野人門巷日蒼涼鳩啼遠樹雲初合  
龍卧深潭雨自藏幾處犂鋤當暮急誰家粳稻及秋嘗  
蒲團竹几隨緣坐獨愛山僧午夢長

潭影蕭蕭碧樹寒一亭山色俯潺湲疎林隔寺聞僧話

落日登臺見鳥還塵事豈知明日異吏情應識野人閒  
丹崖翠壁潘郎興長恨巉巖不共攀

春興八首

錄六首

柳絲花片滿芳洲長為溪山感舊遊  
急雨過窗醒短夢驚風入樹攪離愁  
歸帆欲挂三江水病脚難登百尺樓  
老去不知春興減向來一月罷梳頭

高歌曾扣隔江船楚泛吳遊興渺然  
山寺夜鐘眠裏月洞庭春水坐中天  
翠籠鸚鵡空愁思碧海鯨魚幾歲年



一語故人三嘆息始知清廟有朱絃

六年書詔掌泥封紫閣春深近九重  
階日煖思吟芍藥水風香憶種芙蓉  
登臺未買千金駿補袞難成五色龍  
身病益愁愁轉病老來歸思十分濃

帝城芳意入春濃快馬輕車處處逢  
宮樹巧藏鶯百轉苑雲深護月千重  
愁來擬斲杯中物病起還支石上筇  
得似玉堂風月地少時遊賞幾從容

甕山西望接平坡

寺名

足馬雙童幾度過十載衣冠朋舊

少五更風雨夢魂多湖邊漁榜驚鷗鳥樹裏僧房隱薜蘿飛盡桃花還燕子一年春事竟如何

小疊峰巒淺作池幽堂長是見春遲風傳翠篠聲先到雨換青松葉未知江上帆檣經幾駐城南第宅已三移君恩若放山林去始是雲霄得意時

舟發張灣宿河西務

蒼茫正合塵中眼縹緲真乘水上舟江月海雲疑是夢畫圖詩卷坐消憂沙邊細浪隨鷗鳥樹裏青山入柁樓

行盡驛亭三百里五更風急住灘頭

早發滄洲

片帆輕舸發滄洲野樹離離散不收  
兩地離心河上草一燈殘夢渚西樓  
塵生曉市人煙集雲擁春城水氣浮  
我欲憑高問歸雁瀟湘何處可維舟

遊雞鳴寺

諸山盡是鍾山脈聞道雞鳴更有靈  
岡勢斜分龍虎脊巖光深閤鬼神局  
風含落日松聲迴雨帶平城草色青

東郭吏人催上馬暮寒吹面酒初醒

郊行二首東張遂逸親家

樓頭鍾鼓報新晴又是城南一度行剛到閒時身已老  
未曾經處路猶生平沙遠水如江色落葉疎林似雨聲  
欲問郊園幽寂地野橋山寺不知名

芒屨隨意踏青莎一日溪頭幾度過高樹夕陽人影亂  
斷橋幽澗水聲多思鄉擬作東都賦遠俗猶聞隔院歌  
不向晚涼移席坐好懷佳賞奈君何

是日溪林為俗客  
所據別席避之向

夕一賞  
而罷

遊岳麓寺

危峰高瞰楚江干，路在羊腸第幾盤。  
萬樹松杉雙徑合，四山風雨一僧寒。  
平沙淺草連天在，落日孤城隔水看。  
薊北湘南俱在眼，鷓鴣聲裏獨凭闌。

泛南池有懷南溪聖公

輕舟別浦路迢迢，危石虛亭影動搖。  
雲去好山爭入座，雨來新水欲平橋。  
多情留客空杯酒，舊事傷心但柳條。

今日我來還我去小山叢桂竟誰招

寄莊孔暘

買斷溪南十頃煙還家無復夢朝天身如元亮歸田日  
詩似東坡過嶺年蓬島謫來仙骨在釣臺高處客星懸  
十年未洗紅塵耳誰聽清風石上絃

背郭誅茅草蓋堂邊江種柳樹為牆舟中夢醒聞春雨  
樓上詩成坐夕陽南紀壯遊餘歲月北扉遺草舊封章  
清時例有逃名客見說嚴陵本姓莊

秋日出郭崔甥有詩因次韻

直從亭午坐斜陽，却借南薰作晚涼。  
沙路試看騎馬快，玉堂剛謝攬衣忙。  
移將隴樹和雲種，折得園葵帶露嘗。  
四十六年公事裏，向來塵夢一何長。

九日度江

秋風江口聽鳴榔，遠客歸心正渺茫。  
萬古乾坤此江水，百年風雨幾重陽。  
煙中樹色浮瓜步，城上山形繞建康。  
直過真州更東下，夜深燈火宿維揚。

秋雨荅鳴治次韻

客情搖落竟難收  
砌草牆花亦自秋  
月盡俸錢隨例給  
雨荒書屋倩人修  
哀歌莫倚王郎醉  
短髮聊同杜老羞  
馬上誦詩渾不忘  
為君歸詠水西樓

謝鐸

八月初一日大雨喜而有作

一雨驚看喜欲狂  
倒懸真解此皇皇  
未論報社還扶醉  
且免從人乞奏荒  
民念在天終可賴  
杞心憂國暫須忘



有年自是春秋瑞麟筆誰堪繼末光

張泰

元旦

天上寒星斂曙鐘  
海隅佳氣溢晴空  
東華湧出瞳矐日  
南極吹來長養風  
丹鳳厯端觀夏正  
瑤華枝上見春工  
體元天子調元相  
管領民歸玉燭中

倪岳

孟春奉陪廟享恭紀

祠殿森嚴楯陞重雍歌初徹潦煙濃虞周典禮千年合  
文武衣冠百辟從日影漸移高閣漏露華猶拂御街松  
却瞻天仗東風裏冉冉霓旌導六龍

孟冬時享齋宿院中和韻荅克勤賓之二同年  
玉署沉沉隱畫牆柳陰深覆御溝傍鈎陳天近通三接  
奎壁星明共一堂地迴自驚塵土隔雲深翻覺路岐長  
叨參此會元非偶二十年餘白鷺行

齋宮候駕次西涯學士韻

銀河如壁護重關翠輦初臨大祀壇映日牙旗環禁旅  
連空甲騎擁祠官風雲已覺爭春麗雨雪先驚入夜寒  
禮罷天門重整珮歡騰萬國正迴鑾

是日大雨雪

侍從親耕籍田用程學士韻

南郊晴旭晃鑾儀天路無塵進輦遲京兆青箱依耒耜  
教坊花鼓應旌旗明禋早致先農享粒食仍歌后稷詩  
聖主重農親稼穡此生何幸際昌期

劉大夏

西山道中

曉來聯騎踏晴沙風景蒼蒼一望賒幾處白雲前代寺  
數村流水野人家鶯啼別墅春猶在馬到西山日未斜  
回首不知歸路遠九重宮殿隔煙霞

閔珪

題翫芳亭

羣芳掩映草亭虛知是元龍舊日居滿地綠陰新雨後  
一簾香霧午風初屏開屈戌春無際人倚闌干畫不如

容我數來閒坐久愛臨流水看芙蕖

馬愈

次韻沈陶菴題有竹莊詩

獨攜真誥西林住便是仙人葛稚川一箇茅亭修竹裏  
幾聲茶臼夕陽邊閒抄玉子餐秋月細摘松花釀乳泉  
昨夜夢君高閣上曉來清思滿江煙

吳伯通

庚戌重九杭州作用杜韻

吳越江山天地寬  
登臨聊借酒為歡  
蕭蕭白髮紛垂領  
采采黃花滿插冠  
西北風煙浮望遠  
東南雲水入吟寒  
幾行鴻雁遙空度  
孤客傷心不忍看

浙臺送楊德澄歸賓城

卜居闔閭接芳鄰  
無事從容話養真  
蹤跡偶然分出處  
歲華倏爾兩冬春  
端為後會巴山裏  
忽漫相逢越水濱  
世路悠悠俱白髮  
可堪獨作未歸人

與諸公遊西巖

西巖竹寺篆江邊  
暇日同叅玉板禪  
隔岸山高蹲虎嘯  
遶堂潭靜隱龍眠  
使君有道猶韓愈  
釋子何人是大顛  
佳境百年纔一到  
未須催放下灘船

姚山

雨後官舍漫成

雨歇涼生風入扉  
日長官舍客來稀  
竹窓破夢人初起  
松院新晴鶴試飛  
花落殘紅知蝶少  
樹垂重綠見春歸  
客懷無事難消遣  
閒對青山看夕暉

吳與弼

東齋讀晦菴先生詩次韻

朝朝黃卷自埋頭物外從教春復秋  
座接好山青繞屋門迎活水綠平溝  
舊花匝徑紅如織新竹成林翠欲流  
課罷幾回閒徙倚誰憐心賞十分幽

題聽松軒

曾向高軒共好音乾坤浩蕩境沉沉  
恍然指下迷宮羽不信人間有古今  
瀑澗夜寒鳴雨歇風林晝靜落花深



回看勝事已成夢難寫淒涼一片心

贈友人

琴書深託綠蘿谿風月何人共品題  
流水舊穿幽徑轉喬林新與碧霄齊  
一犁春雨兒耕稼百甕寒泉自灌畦  
隨分無非安穩地相逢何必問丹梯

馬軾

奉餞季方先生

櫟江江上水悠悠送客江邊莫上樓  
五嶺瘴高煙蔽日

兩孤雲濕雨鳴秋豐城劍氣東南起合浦珠光日夜浮  
祭罷鱸魚歸去晚刺桐花外月如鉤

張彝

晉州述懷

微官何事久殊方回首田園業漸荒多病一年三乞老  
思歸十夢九還鄉椿陰已散遼陽月雁影空分海國霜  
幾度休衙獨凝睇夕陽西下路茫茫

錢洪

送湯公子胤勸應薦之京

襄武家風迴出羣，竒才能武又能文。  
劒鋒足壓三千士，筆陳還驅十萬軍。  
銀管綠沈新草檄，丹書盧矢舊銘勲。  
臨風自顧長纓在，醉袂蒼茫欲贈君。

送徐守民歸淞之常山

壯遊湖海幾經年，老氣凌雲雪滿顛。  
詩思已成芳草夢，歸心又上木蘭船。  
長亭人折春前柳，驛路梅開雪後天。  
萬壑千巖舊形勝，酒樽茶竈向誰邊。

陳寬

題燕穆之楚江秋曉圖

五更人語覺潮生  
估客帆檣候曉行  
樹色未分雲夢澤  
雞聲已動漢陽城  
天空畫角吹霜盡  
月落銀河入斗橫  
欲問楚南千古事  
至今江水為誰清

陳完

和徐德彰春日雜詠八首

暖色晴光處處迷  
畫橋楊柳路東西  
千村紅亂桃花雨

一夜香生燕子泥  
鶯舌語雙諧  
作瑟草根枯半踏成蹊  
最難留得芳時在  
怪殺枝頭杜宇啼

花搖銀壁影幢幢  
香靄空濛撲瑣牕  
留客小鶯偏恰恰  
可人飛蝶故雙雙  
好山罨畫連平野  
新水挹藍正滿江  
紅粉蹋歌溪上女  
彩雲隨處度新腔

三竿紅日曉輝輝  
流水平蕪燕子飛  
芳徑露香花錦碎  
深山雲暖蕨芽肥  
烏紗別製籠頭帽  
白苧新裁稱體衣  
社鼓鼕鼕桑柘外  
野翁扶醉蹋歌歸

蹀躞青駝款款騎淺村深巷柳如絲土牆茅草低低屋  
竹徑柴門短短籬細雨一簾飛燕子香風十里醉花枝  
館娃溪上春如海時有人歌白紵詞

鷗波十里帶平沙茆屋人家柳半遮柔櫓嘔啞移畫舫  
輕雷輾轉走香車泉如燕尾清流拆草似裙腰白路斜  
何處玉錢都化蝶夜來飛上一林花

十里香塵暖霧消綠煙芳草去迢迢春風春雨花連巷  
溪北溪南柳映橋遊女踏青羅韞小粉郎沉醉玉驄驕

謝家庭院鞦韆下，會有何人拾翠翹。

勝賣東風富貴春，青衣催坐疊花茵。  
鶯欺皓齒清歌妓，柳妒纖腰學舞人。  
猩色屏風圍孔雀，麝香衾被壓麒麟。  
任教日日如泥醉，不負韶華一度新。

繡戶凝香瑞靄浮，日催紅影上簾鉤。  
鶯捎飛蝶穿花去，水學驚蛇抱石流。  
綠酒金尊邀醉飲，朱絃銀甲按歌謳。  
若教買得春常在，不用良宵秉燭遊。

祝祺

寄蘇先生正

西風倚櫂問歸程詩酒應多慰別情  
黃葉疎鐘溪上寺白雲孤角海邊城  
鷗飛煙渚連秋色雁下寒塘起暮聲  
回首天涯嗟落莫夕陽歸路萬山晴

趙廷玉

金臺留別

笑拂緇塵出帝畿一尊重與故人違  
青雲紫禁辭仙仗白鳥滄洲戀釣磯  
夜雨尚存三徑菊春風仍采故山薇



舊遊天上如相憶萬里關河有雁飛

周漳

寄弟瑩

年年無處避征塵況復衰遲值暮春千里綠蕪江上路  
一簾疎雨夜深人白雲鄉國回頭遠青草池塘入夢頻  
兩載分攜歸未得強將封鮓慰慈親

陳昌

送吳素行之廣西

廣州南望海冥冥百丈牽江幾日程鯨浪打船風正惡  
蜃灰塗屋雨初晴蠻巫祭鬼憑雞卜島戶編氓事象畊  
此去化成皆樂土尉佗不敢更言兵

顧潤

送王景方歸杭州

闔閭城外送歸航流水何如客思長已遣停杯傾別酒  
還教攜手上河梁白蘋漁浦迷秋色紅樹官亭帶夕陽  
最是不堪凝望處青山無數隔錢塘

丘吉

遊霧山寺和寇萊公韻

風引鐘聲落大溪行厨酒盡夕陽低  
斗杓斜墜闌干北澗道橫分略約西  
雲雜天花銀葉舞門排行樹寶幢齊  
普香世界青山繞一路煙霞送馬蹄

和姑蘇劉工部昌無題

輓轡綆斷玉瓶沉雙鯉無書碧海深  
別夢吹殘吳苑笛愁腸敲斷漢宮砧  
病來眉淡波斯黛老去屏開孔雀金

不及浮雲能自在朝飛暮散却無心

楊梅

楊梅獨出吳興異龍井名高味不同饒客幾嘗山雨濕  
佳人一笑玉盤空羞看月下櫻桃色不數釵頭荔子紅  
更擬明年同採摘要將華髮待熏風

魏時敏

寄全汝盛

久旱村園豆麥焦鑿池引水灌田苗籬疎野竹橫窓戶

潮滿春帆礙浦橋  
酌酒不愁無  
苜蓿揮毫深喜有芭蕉  
人生適意應如此  
莫怪淵明懶折腰

夏日寄高尊卿

林屋虛寒半掩扉  
野情偏稱綠荷衣  
柳風乍起燕雛軟  
梅雨初晴荔子肥  
歲月無情催客老  
溪山有意待君歸  
浮沉世事何須問  
好整綸竿坐釣磯

朱翰

送楊少府貶柳州

洞庭秋色對衡山一路猿聲夕照間湘浦舟行何日到  
羅池人去幾年還煙村土屋連孤壘嶺樹松牌界百蠻  
自古中朝通使節莫因流落嘆衰顏

朱存理

九日

松下行行二三子書聲白晝草堂開老夫把卷仍自讀  
舊雨到門今不來苔石無塵碁局在莎汀有水釣船回  
秋風籬落偏蕭索獨嗅寒花持酒杯

宿光福寺

短策行行一里餘  
松林過雨步徐徐  
半泓墨沼窺遺跡  
數仞龜峰望遠墟  
石磴夏涼青荔合  
山扉晝寂綠蕉舒  
夕陽突兀浮圖影  
目送長天罨畫如

儵松軒避暑漫興

溪南借我雙松樹  
六月虛堂面水開  
松下清吟成漫興  
酒邊涼雨洗炎埃  
一聲老鶴月中聽  
萬里秋濤天外來  
自把殘書堪卧讀  
先令童子掃莓苔

張淵

次韻沈陶菴題有竹莊

愛汝石田茅屋好依然風物似斜川  
白蘋洲渚滄江外紅樹園林夕照邊  
艇子打魚偏趁月山童洗藥每臨泉  
老夫欲問東家住分取瓜疇數畝煙

陳金

拒馬河較閱兵馬

巡邊直渡飛狐嶺較藝親臨拒馬營  
畫戟攢霜迎陣出



雕弓彎月向人明縱橫目下元無敵闔闢胸中自有兵  
慚愧間關十餘載玉門應不負書生

劉泰

恰似邨為諸立夫題

非邨非郭路縈迴繞屋薔薇戶半開春暖鶯聲相應谷  
晚晴鴉陣自歸來白煙土銚炊新稻紅雨糟牀滴舊醅  
山色滿窓書滿架此生無夢落黃埃

晚春漫興

單羅初試怯春風金鴨香銷翠被空江燕低翻三寸黑  
海棠微褪一分紅酒因睡淺醒難解詩為愁多句未工  
晴日漸長兒女懶鞦韆閒在曲闌東

舒鑑

寄雲城知己

琵琶洲畔白雲城紅樹千行隔短亭塵迹自悲衣欲化  
故交誰復眼長青江空木落雁初度院小燈殘酒半醒  
終夕相思不相見碧山寒月照疎櫺

喻省

送友人

梅花殘雪照晴川  
立馬郵亭思惘然  
媿我飄蓬仍薄宦  
與君分手正殘年  
一樽行色沙頭酒  
千里鄉心月下船  
垂老莫言歸計拙  
綠編研北是良田

張淮

遊鶯脰湖

白鳥眠沙夢不驚  
寒生水國半陰晴  
酒涵春色花邊過

船載湖光鏡裏行南浦愁連芳草綠東風歌送落梅聲  
那堪日暮臨歧別更聽河橋柳上鶯

牡丹百詠

錄二首

紛紛畫史筆通神誰與花王寫得真臨水似窺捐珮女  
倚風如見墜樓人芙蓉只合稱凡品芍藥端教接後塵  
興慶池東誰更賞冷風淒雨不禁春

司花未省是何神不合教渠盡領真方半吐時偏愜意  
到全開日便愁人紅雲冷慘枝間露綠霧香流葉底塵

一曲山香莫輕舞臨軒正欲賞長春

潘子安

送周鍊師還龍虎山

年來忽憶舊巖扉  
即向青天跨鶴歸  
老樹著風驚虎睡  
好山和雨作龍飛  
松間夜月封丹竈  
花底秋雲補練衣  
辟穀有方仙有術  
笑人空餓北山薇

蔡昶

都門春日寄友

曲曲宮牆繞御河春冰消盡水生波桃花帶雨垂枝重  
柳色籠煙隔岸多白首蔡邕嗟老矣青年沈約奈狂何  
典衣莫惜沽新釀笑聽吳姬子夜歌

楊子善

江上秋懷

水國風高木葉霜滿舟山色入荒涼小孤殘照收江左  
大別寒煙鎖漢陽新飯軟炊菰米白濁醪香泛菊花黃  
故鄉千里空回首雲樹茫茫鬢髮蒼

書懷

舵樓空闊望京華  
蘆荻江楓岸岸花  
山色淡濃昏霧薄  
水光浮沒夕陽斜  
故鄉鴻雁書千里  
遠浦牛羊屋數家  
邊塞柳營多苜蓿  
石田空憶舊桑麻

黃鰲

南閣病中兼寄黃玄之

水市南頭晝掩扉  
衰容垂柳共依依  
雁來高閣春歸盡  
雀下閒門客過稀  
對酒花枝憐獨卧  
盃簪芳草念多違

憑君為問清吟處何日相從賦采薇

李兆先

送人

南國騷人憶薜蘿每逢尊酒一酣歌  
隔年鄉信春前至入夜歸心夢裏過  
舊路漸隨燕樹遠故山偏傍越溪多  
陽和到處流漸盡時送東風與碧波

漫興

小園散步暫徘徊黯黯陰雲去復來  
深樹欲秋黃落葉



斷階經雨碧生苔  
頻搔短髮和愁亂  
靜掩蓬門待客開  
無限幽懷酣睡裏  
日華亭午夢初回

春日答所知

草堂無事起常遲  
閒愛逢春靜愛詩  
十日濃陰常帶雨  
一池空碧漫生漪  
青回院柳鶯猶澀  
開到園花蝶未知  
三尺短牆君共我  
韶光如此合分誰

王佐

中年

纔過中年百慮輕獨於尊酒未忘情窮將入骨詩還拙  
事不縈心夢亦清萬卷豈圖金馬貴一竿當與白鷗盟  
灞陵賣藥原無意女子何從識姓名

桑悅

碧溪

五兩蓑衣百尺竿碧溪十里足盤桓卧分芳草為衾枕  
坐愛清流照肺肝花落無聲雲影動鳥飛不度鏡光寒  
平堤多種芙蓉樹唯有秋容耐晚看

同王如齋揮使金宗秩上舍暮春郊行

單衣初試覺身輕  
雲淡風和雨乍晴  
墨潑小池科斗亂  
簫調深院栗留鳴  
飛花逐馬疑招飲  
落絮依人似送行  
餘景老來偏愛惜  
可堪白日去無情

宿茶陵五峰菴

攀蘿躡磴路盤紆  
出澗流泉百折餘  
地獻秣田充佛供  
天留松徑作僧居  
數聲清磬紅塵隔  
一瓣名香黑業除  
喜共山雲分半榻  
通宵魂夢倚空虛

御選明詩卷七十五

欽定四庫全書薈要卷一萬八千五百七十六

集部

御選明詩卷七十六

七言律詩九

羅倫

和緝熙過毛英懋西園隱居

肝腑羸餘五畝春  
草堂雲暖小山貧  
塵中物色原無我  
林下心情見此人  
鶴伴野翁梳白髮  
蜨隨春色上烏巾  
褰衣細問西園老  
怕有人家可並鄰

題張氏水村小景

逢著閒人只點頭海邊同我是沙鷗多情芳草舊知己  
如意好山都上樓白髮已前渾是夢黃花相與又逢秋  
年來解得濠梁意却笑游魚誤中鉤

程敏政

聞南都新開池館之勝漫摘坦姪二屬對成詩  
二章

一川新綠板橋通更起盆亭著鏡中杜曲兒孫供酒盞

謝家兄弟走詩筒，草屨半濕莎庭露。  
蒲扇輕回竹埭風，勝日無因陪勝賞。  
只憑春夢到江東。

別業新開水竹居，遊塵全不到庭除。  
棟花臺榭聞幽鳥，荻草盆池種小魚。  
翁醉不勞方竹引，客吟多借古藤書。  
何時罷直金華省，日日江頭奉板輿。

卧病七旬方起試筆作字適世賢有詩見慰依韻奉酬

獨卧空房思有餘，茂陵顚顚舊相如。  
病來自覺逢迎倦。

客至從嗔禮法疎  
風約黃塵凝硯沼  
雨催青草上階除  
讀君詩罷還成句  
棗筆藤箋試手初

嚴州道中

山遠沙平水似煙  
篷窗贏得枕書眠  
暖風一日初黃柳  
好雨連宵賸綠田  
傍岸鳬鷺如送客  
隨家雞犬不驚船  
相看便有江湖戀  
耕鑿娛親在幾年

度東山嶺

石橋駐馬問田翁  
一塢深深隔樹東  
帝子閣前沙似粟



野神祠下路如弓疎松古碣風微動細草陰厓雪半融  
回望紅塵才數里不知身在亂山中

太平山行

江南風土最怡情臨水人家分外清輕棹野航如使馬  
密栽高竹似連城好山隔岸開真畫絕碣流泉奏古笙  
此去定應勞夢想題詩留與白鷗盟

周德章駙馬府賞海棠

冥冥花霧擁迴廊冉冉猩紅隔畫牆按譜更誰爭有韻

失評空自說無香  
莫燒銀燭驚春夢  
好障丹紗護曉妝  
仙種北來初識面  
臨風拚醉九霞觴

游王司言國賓郊園

風逗黃雲漲麥川  
井分新綠繞瓜田  
童穿牆缺攜壺到  
客起堂虛借榻眠  
樂憇午陰憐困馬  
預傳秋律愛鳴蟬  
城樓咫尺忘歸晚  
多少詩情落照邊

辭朝出城借宿清化寺

早脫朝簪出帝城  
喜分禪榻坐深更  
便疑身在山中住

追笑詩從馬上成，把釣未應歸計拙。  
照人偏愛佛燈明，枕酣一夜清無夢。  
蕉鹿當年亦浪驚。

四月二十八日起，屢賜鮮筍、青梅、鱖魚、枇杷、楊

梅、雪梨、鮮藕。

都城三伏暑，方炎天上分。鮮我亦霑緘，發紫泥留榼。  
管香生青箬，帶冰鹽南州。遠貢來何數，北客初嘗味。  
更添為感歲時繙，賜帖不知殘日下疎簾。

訪進士何斯復于歙北黃荆渡，不值時斯復方

以養親告歸

問路尋君徑出城過橋自得繞溪行  
小翻翠柳東風軟返射青山夕照明  
為就江魚長供母斲容沙鳥一尋盟  
前邨種藥歸應晚欲話心期恐未成

迎駕次亭父韻

一聲清蹕下郊壇闔闔齊開敞玉闌  
十二鸞鈴陳路馬三千犀甲擁材官  
御鑪煙裊流香霧宮扇雲移護曉寒  
最是詞臣偏近輦龍顏春色有餘歡

莊景

江上偶作

蕭蕭草閣管江煙已分從今到老年  
明月可人垂釣坐  
北窓隨我枕書眠  
東坡老子門冬酒  
康節先生擊壤篇  
到此無榮亦無辱  
老懷何以不翛然

舟中

暮靄千家望欲平  
風光著處有詩情  
秋燈小榻留孤艇  
疎雨寒城報二更  
石自隔河分別界  
人將望驛問前程

同行我亦朝天客  
兩鬢羞看雪亂明

直沽

怱怱光景到香醪  
萬里天涯兩鬢毛  
北海風回帆腹飽  
長河霜冷岸痕高  
寒城斂霧山俱出  
老句橫秋氣亦豪  
拱北樓高滄海近  
夕陽欄檻倚秋濤

章懋

禁中聞鶯

禁苑花深晝漏遲  
鶯聲遙在萬年枝  
不隨舞袖歌金縷

却伴仙韶奉玉墀長信夢回歌枕處  
瑣闌吟罷倚闌時  
東風空費如簧舌不道明廷有鳳儀

瓊林賜宴

風雲千載遇重華賜宴瓊林寵渥賒  
丹桂廣寒非月窟  
紫煙蓬島是天家食分綾餅堆紅玉  
酒出黃封瀉絳霞  
見說金明池上事有人聞喜不簪花

王孟端畫竹

此君一別已經年今日披圖不厭看  
風度只疑搖翠珮

月明應想下青鸞  
肯隨羣卉爭春色  
直伴孤松老歲寒  
珍重鳳皇池上客  
盡將清節付毫端

送鄭尚書

一鴻天外去冥冥  
峻節孤風聳在庭  
投笏遠辭丹鳳闕  
掉舟閒過白鷗汀  
午橋事往名猶在  
畫錦詩傳德愈馨  
媿我欲歸歸未得  
金華山色夢中青

送王司馬致仕還鄉

材猷勲烈重當朝  
抗疏辭榮去莫招  
曉日都門開祖帳



輕風江渚汎歸橈  
魏公晚節吟秋圃  
裴老閑情寄午橋  
可是太平無一事  
角巾私第得逍遙

張弼

寓館述懷

為客京華若轉蓬  
移家又向玉河東  
謾凭白石看新綠  
嬾著青鞋踏軟紅  
三月風光渾夢鹿  
半生事業尚雕蟲  
牀頭舊醞江南物  
且約心知一醉同

栽杏

玉河東畔春坊裏借得閒齋寄此身偶見移來山杏好  
買栽不計客囊貧孤根原荷乾坤力嬾蕊都含雨露春  
擬醉紅雲香霧底曲江風景一番新

渡江

篷底茶香酒夢醒大江風急正揚舲浪花作雨汀煙濕  
沙鳥迎人水氣腥三國舊愁春草碧六朝遺恨晚山青  
不知別後東湖上誰愛菱歌倚棹聽

夜雨獨坐懷范季方

四簷風雨一篝燈脈脈懷君思不勝龍廢未收千里馬  
鶉籠却鎖九霄鷹何時玉斧重修月今日青氈漫坐冰  
回首東風舊遊處花開花落總無憑

寄建昌太守秦廷韶

老守題詩寄少游天涯幾度斷鴻秋丹心自許乾坤識  
白髮誰憐歲月流萸菜關情千里外杜鵑驚夢五更頭  
章江北至雲南去獨倚斜陽鐵漢樓

次韻荅丘時雍太守二首

未老身閒樂有餘  
芝山舊業竹扶疎  
興來縱寫開長卷  
醉至微吟坐軟輿  
甘與鹿門成隱計  
肯從狗監薦相如  
牀頭賴有韓檠在  
且讀平生未讀書

次錢世恒繡衣韻

六年作郡幸清安  
筆興詩懷不屬官  
酒遇故人隨量飲  
花當好處及時看  
鱸肥松水家千里  
馬倦梅關路九盤  
京國舊遊如夢寐  
未知何日罄交歡

和荅林亭大侍講

清和堂上櫂舫船小賞庭中玉馬鞭忽接故人千里信  
如投窮漢萬緡錢嬾將貢禹冠頻拂却笑陳蕃榻久懸  
舊日緇郎勞問訊麤官原不是詩仙

題牡丹

同遊南浦及芳時漫賞名花朵朵奇西子睡餘成巧笑  
太真浴罷暈嬌姿檀心香拂緋羅袂金縷光涵白玉卮  
聞道洛中千萬樹幾家能得謫仙詩

得玉山蔣仲學書

故人書自玉山來細認緘題手自開怪問道途淹歲月  
驚看筆札出風埃陸雲自是三吳俊龐統原非百里才  
後會未知何處是再三展讀幾裴回

李傑

遊靈谷次鄭司徒韻

吾愛山中筍蕨甜山靈况復不吾嫌日華濃染緋桃色  
雲影輕籠翠栢尖尊酒興催詩興發管絃聲與鳥聲兼  
韶光滿眼供春望分付奚奴為卷簾

過蔡村

白沙灘接綠楊堤，遍野青黃麥秀齊。  
萬雉都城天咫尺，幾家村落水東西。  
濛濛細雨來帆重，漠漠平蕪去鳥低。  
歧路年年成底事，遣懷只合醉如泥。

陸容

病中無寐用陸放翁韻

愁來失却睡，夢騰坐此蕭條昔。未曾傾耳有聲疑，墮葉  
委心無物似枯僧。風回別院聞雞唱，塵落空梁見鼠登。

數盡殘更誰是伴半窗寒雨一檠燈

嘗酒

飲盡君家碧甕春香痕狼籍上羅巾詩壇不遣前盟負  
郎署應憐此會新歸騎已聞珂撼玉留人莫待燭銷銀  
步兵故有風流在傲殺金貂買醉人

次韻鼎儀東郊見寄

歸來無計買青山身在從渠兩鬢斑朝退已忘迷柳院  
夢回猶憶度榆關衰年坐我書千卷別墅無君屋數間



小巷閉門心自遠也知隨處有商顏

和彭性仁雜興

午夢纏綿卧起遲晚山相對一支頤飛花欲盡春歸後  
啼鳥不驚人靜時好雨每遭風廢閣夕陽仍受月侵欺  
同曹尚憶劉郎在曾爇銀燈夜睹碁

寄亭父

金閨予告免趨朝石枕孤眠病未消絲布小帷蠅不障  
竹枝團扇暑仍搖匏壺汲水添森爽土盎栽花伴寂寥

革故題詩寄張敞木瓜應擬博瓊瑤

韓文

西藍禪院

西藍禪院夕陽開古殿碑殘畫雜苔霜冷松林無鳥宿  
月明竹徑有僧來霍山東抱諸峰合汾水西流九曲迴  
老去未忘憂國念浮雲直北望燕臺

羅漢院

寺近孤村路轉西小橋流水夕陽低經霜崖果猿偷摘

欲暮風林鳥亂棲  
蛙粉尚留題壁字  
香灰半入種花泥  
箇中老衲耽幽寂  
不為登山不渡溪

顏瑄

登鳳凰臺作

鳳皇臺上雨初收  
天際涼雲拂地流  
萬里關河明落照  
九重宮闕動高秋  
青山近繞城頭路  
紅樹深藏驛外樓  
莫怪臨歧重惆悵  
青袍三載此淹留

樊阜

醉中到白厓而歸

往事無憑一夢空  
悠悠岐路任西東  
菊花向晚應嫌雨  
梧葉驚秋不耐風  
自笑長貧仍作客  
誰憐多病欲成翁  
青山斷處孤城在  
一片砧聲夕照中

城上

獨上高城力未衰  
西風吹老桂花枝  
山迴薄暝牛歸後  
江變新寒雁過時  
砧杵幾家聲斷續  
帆檣兩岸影參差  
英雄自古知多少  
老得身閒計亦奇

久雨

高竹鳴鳩未放晴  
小牀衾冷夢難成  
厨煙著樹添嵐翠  
野水歸塘亂瀑聲  
吟對落花傷俗態  
醉看飢雀歎浮生  
山人自是無塵事  
深閉柴門懶入城

舟中作

青山淡淡夕陽時  
狂客扁舟只載詩  
細雨一江菰葉老  
西風兩岸柳條衰  
雁橫秋影過荒戍  
鴉帶寒聲落古祠  
但說蓴鱸滋味好  
季鷹心事幾人知

秋日懷東湖

枯荷殘蓼滿秋池  
長日思歸未有期  
一笛喚愁霜落後  
雙砧敲夢月明時  
老惟防病勤收藥  
貧欲謀生懶作詩  
莫怪羈人頭易白  
他鄉歲晚倍堪悲

張習

和石翁水悶

舊居忽異東西瀼  
白水茫茫不見鄰  
始下方牀堪濯足  
每疑泛宅僅棲身  
魚蝦易覓應兼味  
猷畝全沈已概貧

好鼓蘭橈放歌去乘桴浮海是何人

梅江

都門送弟還鄉作

高城曉角意如何執別離亭淚欲沱  
池館夢中青草盡鵲鴿原上白雲多  
西風苦憶歸帆影落日時聞鼓棹歌  
最是明朝傷獨處寒山古木對嵯峨

呂憲

次韻文宗儒感懷

靄靄山雲載雨濃  
雨收還對兩青峰  
隔林幽鳥如相語  
照水孤花只自容  
南陌春歸驚短夢  
西窓酒醒見高春  
凝參玉板禪師去  
連日東風長籜龍

吳寬

次韻周原已懷石湖舊遊

上方高處共捫蘿  
落木空山雨滿蓑  
野寺推門黃葉亂  
湖亭倚棹白雲多  
向來行樂成陳夢  
別後離愁繞綠波  
滿紙新詩更清省  
令人相對憶陰何



雪夜憶友人宿伏龍山中

孤城鐘漏促寒雞風雪殘燈夢欲迷  
靜夜獨眠高榻上故人遙在數峰西  
空林松子時時落絕磴梅花樹樹低  
知是山中有佳興柴門清曉候封題

書句容丁溪僧舍壁

丁公溪上古招堤策馬來尋路欲迷  
遠道黃埃臨水隔當門綠樹與雲齊  
山中地僻無人到窻下僧閒自鳥啼  
淪茗焚香坐終日不知林外夕陽低

過大姚陳玉汝宅飲散宿大覺寺追和趙與哲

韻

月出平湖積水空上方仙梵隱花宮似聞蒼蘗林間雨  
總是芙蓉浦外風有客題詩先我到向僧分榻幾人同  
敲門自怪來何暮投轄傳杯惱孟公

次韻顧天錫九日病起

重來不是舊劉郎籬菊都從病裏黃小院入愁雙杵外  
故鄉歸夢一燈傍詩家供給山當戶客鬢侵淩樹著霜

明日也須扶杖出呼童已製錦為囊

荅于喬次韻謝送冬笋

西郭清風棊墅開門前俗物敢持來聊供香飯抄雲子  
為想長饒劇雪堆空腹冷含金瑣碎壯心未怯玉崔嵬  
知君能畫非饒守乞與鷺溪絹翦裁

與諸友出城東散步水際

岸花汀草駐殘春步逐漁郎更問津側足岡巒渾不畏  
會心魚鳥自相親一灣已似江南意半日都忘洛下身

西出郭門勞僕馬青山真是誤游人

分題豐樂亭送文宗儒太僕

何處亭成樂歲豐瑯琊山在亂雲中西南林壑誇尤美  
六一文詞信獨工幽谷泉鳴琴操古石屏路轉酒船通  
幸當歸馬滁陽日此地來游興不空

送原輝南還

清秋欲盡向南旋別淚何堪重泣然吾已行年當五十  
汝今歸路又三千亦知禁酒勝良藥好為修書附便船

舊業東城勞葺理相期歲晚在園田

原輝行後晚坐有懷

東望秋雲壓柁樓晚來水宿定通州却愁細雨行裝濕  
還恨深溝送騎留臨別題詩偏覺懶坐來呼酒不忘憂  
惟應後夜生新月兩地悠悠照白頭

渡沙河

橋下新澌玉一灣六年從此照衰顏疎林小店行厨到  
落日平原獵騎還韋杜南連多白草居庸北距盡蒼山

天寒喜報王師轉驛路無塵羽檄閒

望昌平

脫轡能淩千丈岡解裘還耐北風涼迢迢古轍餘秋水  
漠漠平疇又早霜日隱峰巒天易暝樹連城郭路何長  
孤雲飛處梁公廟猶似當時望太行

次韻任太常過園居

暑氣鬱蒸知嬾出肩輿只許到寒家元修席上能供菜  
康節車前慣看花尊酒長空非北海冊書相對是南華

醉鄉不識茫茫路始信吾生亦有涯

卓午風來特地清槐花落處入簷輕高荷久待蓮生子  
香草不甘梅是兄倒屣出迎翻失禮解衣留坐更忘情  
玉延自是吾家物欲學盧公也爛烹

休笑吳儂故態狂小園日涉步能量閒憑却愛琴徽冷  
連飲惟誇茗椀香何日歸田成老嬾終年學圃覺清忙  
乘涼莫惜重相過只待籬邊雨一場

# 對雨

清池水長欲平橋雨勢渾如上晚潮泛泛漸於亭礎近  
淙淙真是笕泉遙即看並浴鷺羣戲却恐新生魚子漂  
東望菱濠歸去好吳儂家有木蘭橈

謝顧良弼李世賢攜酒過訪

初伏將臨日正長肩輿同約到茅堂遠臨忽辱來公子  
小圃翻能致辟疆花下扶筇臨亂石藤陰移席避斜陽  
幽居無物相延款綠樹成行晚更涼

楊一清



將至涼州

雉堞連雲十里城將臣開府此屯兵  
山連虎陣千年固地接龍沙一掌平  
塞上馬嘶春草綠村中人和凱歌聲  
祇因邊徼無烽火忘却關山是遠行

希大司馬扈駕至淮安便道過江訪余石淙精舍感今憶昔口占一首

停雲回首意如何楊子江頭一棹過  
老去多情憐水石閒來開眼看風波  
門牆舊侶彫應盡燈火通宵話轉多

更約扁舟和月宿荻花深處聽漁歌

聽雪

庭樹蕭蕭夢屢驚幾回風景逼人清坐吟食葉春蠶句  
起聽空山裂帛聲寒落瓦溝停更響爽疑天籟靜還生  
憑誰為續幽蘭調萬古悠悠此夜情

孤山堡

簇簇青山隱戍樓暫時登眺使人愁西風畫角孤城曉  
落日晴沙萬里秋甲士解鞍休戰馬農兒持券買耕牛

回思未築邊牆日曾得清平似此不

出連雲棧

雞頭關下石杈牙傍險憑高此駐車一水縈紆通漢沔  
萬峰迴合控褒斜雲中板閣燒難絕谷口篋簾翠欲遮  
蜀道秦關俱莫論於今四海正為家

出郊

向來塵慮已真拋一卧經年始出郊天下華陽稱八洞  
人間福地是三茅病來仙術聊充餌老愛雲松願結巢

夢覺迷途自茲始北山猿鶴謾相嘲

西湖

重向西湖續舊游望中山色與雲浮  
平橋隔水雙溪合古寺連空萬木稠  
醉後納涼時枕石興來尋句或臨流  
幽棲彷彿江南地祇欠漁翁一葉舟

西山雜詠

十里長堤一掌平野田溪草正縱橫  
青山遠映秋雲薄紅樹疎含夕照明  
細荇牽風浮不定落花隨水去無聲

幽人合是忘機者傳語沙鷗莫浪驚

夕陽紅樹遶平丘極目乾坤萬里秋自是閒官堪適興  
不須吾土亦消憂幽崖礙日懸青蔓高閣憑虛瞰碧流  
咫尺洞門無路入野雲孤鶴為誰留

興國道中

十日登程九日晴鄉心羈思一時平鳥聲細逐泉聲緩  
風力寒欺酒力輕馬首青山堪入畫路旁幽草問無名  
逢人若話經遊樂賸有篇章為紀行

望岳陽

岳陽南望是并州三十年來兩度遊  
同學故人今幾在異鄉孤客此登樓  
高雲絕島連清漢落日層城俯碧流  
誰遣王程戒明發吏情吾已負滄洲

遊焦山

洞口孤雲面面生百年身世坐來清  
一般月色金山寺十里煙光鐵甕城  
江閣雨餘秋水闊海門風定暮潮平  
青山潦倒虛名在恥向沙鷗問舊盟

雨中王丹徒公濟招遊焦山席上作

無端秋色登臨地不盡長江眺望時  
世路渺然空作客風光如此可無詩  
及辰為樂人能幾冒雨看山興亦奇  
直待曉晴凌絕頂徧摩蒼蘚認殘碑

登金山

西風殘葉嫩寒初兩日幽尋興不孤  
心愛竹巖留客坐力窮雲磴遣人扶  
城頭山色遙連楚樹裏江聲直到吳  
莫怪居人誇勝境分明此地是蓬壺

宿子午鋪

躡磴穿蘿路轉遙  
夜寒燈火正蕭蕭  
官程又出子午谷  
鄉夢遠懷丁卯橋  
秦嶺天低星斗近  
漢江春暖瘴嵐消  
馳驅敢作賢勞歎  
愧乏涓埃荅聖朝

書懷

山南山北路重重  
使節還隨斗柄東  
客裏心情詩當酒  
春來天氣雨兼風  
家鄉在遠無書到  
故舊相思有夢通  
便欲乞身還未可  
坐縻官廩愧無功



沔縣道中

此地重來倍憶家  
野橋風景望中賒  
田田春水船船月  
步步旗亭岸岸花  
選勝可能容我往  
尋幽空復向人誇  
自慚官長非坡老  
解道江山似永嘉

西山口占示同游諸子

偶向名山慰所思  
幽尋已是隔年期  
一春風雨清明後  
滿目鶯花爛漫時  
老覺同遊非故侶  
笑看殘壁有前詩  
相逢得意憑開口  
莫為迂疎引興遲

坐上宮道房

瑤臺正對大茅峰一日閒行萬慮空青鳥夜歸玄圃月  
碧桃春綻玉臺風上方樓觀天應近古洞蓬萊路或通  
便欲尋仙還自笑夕陽芳草茂林中

重遊甘露寺

已辦登臨罷遠遊倦知吾土故多幽渡江形勝諸山小  
到海風煙一目收晴影抱樓僧寺午寒聲飛雨釣巖秋  
滄波滾滾何時定贏得丹心伴白頭

殷文濟過予待隱逸老二園有詩次韻荅之

開園十載到于今喜遇知音愜賞心  
兩屐不嫌花徑僻一枰長傍竹窓深  
醉眠石上殘林蘚倦憩池頭狎水禽  
如此風光如此客不知身世有煩襟

文林

感懷

家室倉皇付草萊含情自下讀書臺  
不知滿地梅花落又是東風燕子來  
六尺微軀何處著百年笑口幾時開

最憐門外青松樹盡是兒時手自栽

客思

寒迫重裘曉更清  
宦情羈思坐來生  
眼前世事浮雲過  
醉裏驚心獨鳥鳴  
夢入故鄉春社散  
愁懸孤館夜燈明  
南歸久負梅花約  
忍聽東家笛裏聲

和合驛

孤艇飄飄浪打篷  
客懷無奈酒杯空  
地偏西北關河冷  
天近清明日夜風  
岸柳塵埋春色黯  
野塘冰決晚潮通

自憐十載驅馳意獨立長歌落照紅

舟中有懷林待用

渺渺長波映遠空依依新柳颺春風  
相思人在青山外盡日舟行細雨中  
汲黯身為漢廷重杜陵詩到錦城工  
天王明聖江湖遠贏得驅馳兩鬢蓬

寺中春

野寺沈深門半扃午窓慵起晚風輕  
雲開半壁夕陽出花落一庭春草生  
鳥掠池中得魚去鶴歸雲外伴僧行

馬槽散吏真如隱咫尺山田帶雨耕

荷花蕩夜歸次吳水部德徵韻

採芳日暮未言歸處處村家揜杼機水漫蓮洲愁路斷  
月明沙渚覺鷗飛高歌小海風波急回首橫塘煙火微  
蘭棹屢移罇屢倒不知露下已沾衣

歲暮客錢唐邦彥徵君以詩招飲席間次韻

隱君瀟灑有高齋徑造何煩折簡催雪砌宜人寒不埽  
溪門待客夜還開離離燈火分春色奕奕梅花照酒杯

笑殺山陰王長史不逢安道為誰來

後三日雪晴同邦彥遊西湖再疊前韻

雪後孤山共探梅便乘清興不須催  
林邊細路如橋斷湖上疎花傍竹開  
雲影分明披絮帽蹄涔彷彿散銀杯  
酒寬新量詩盈卷不負凌寒此度來

謝遷

偶興

曲徑疎籬擁薜蘿晚風紅落豆花多  
南山夜半牛堪飯

東海門深雀自羅遺恨未酬三顧寵清時誰解五噫歌  
漫將舊硯臨池洗莫遣餘生待墨磨

習靜

一塵不到水邊亭埽石焚香晝掩扃方沼萍開魚掉尾  
高崖松動鶴梳翎窗臨絕澗涵虛白山隔重湖送遠青  
更是晚來羣動息空庭仰卧數流星

王鰲

春日應制



奉天朝罷曉瞳矐勅使傳宣籞苑東好雨晴時三月裏  
鑾輿遙過百花中東皇默運無言化南國新收不戰功  
歸坐明堂還布德豫遊分與萬方同

夏日應制

水晶宮殿晝沉沉別院春歸碧樹深南陸迎長欽馭日  
東臯旱久望為霖厯中星火修堯令弦上薰風識舜心  
幾務了時多暇日試開黃卷一披尋

送戚時望僉憲之湖廣

逢君未久送君行十載同窗幾日情平獄舊推于定國  
按刑新過漢陽城雁回千里書須寄春到三湘草自生  
收拾楚材歸藥籠湖南賓客總知名

昌平劉諫議祠

荒灣野木古城隅何處昌平是舊廬氣帶幽并多感慨  
策如晁董亦迂疎同時下第誰云屈此外求言總是虛  
不盡懷賢千古意執鞭無路欲何如

送趙栗夫歸省吳江

秋水吳江一葉飛歸來游子著朝衣鄉人始識文章貴  
仕路休嫌定省稀寶帶橋邊舟汎汎白雲司裏樹依依  
路經震澤人應問太史周南胡不歸

次韻楊維立初入史館

東角門前十館開史家自昔總難才病容野客隨行入  
遠喜諸公取次來氣合每聯朝食坐事多長後午朝回  
揚雄識字今誰及疑義須煩一一裁

送高良新知歸州

江上青山識秭歸江邊弔古駐驂騑夢中馬耳先曾到  
行處人煙亦已稀屈子宅空江渺渺昭君村在雨霏霏  
使君撫字知多術夔府如今正阻飢

朱天昭始第進士主余家至明年移居西鄰

兩年不厭草堂低頗愛晨昏出入齊長日經過無主客  
祇今相見有東西濁醪尚可牆頭過歸院那愁柳下迷  
廐馬似知人意思臨歧回首再三嘶

贈梁都憲巡撫四川

赤甲白鹽雄作鎮鐵冠繡斧凜先聲雪山已為來時重  
黑水應聞去後清殿上位虛中執法邊頭人散小團營  
憑誰說與蘇明允畫像無煩記姓名

送吳大章還宜興

試罷彤廷便乞還不教名字落人間小團龍鳳春前雨  
罨畫樓臺水面山文彩傳來多似舅功名老去只如閒  
洞庭東望無多路楚頌亭成有舊顏

酒熟志喜

常年送酒媿諸隣斗覺今年富十分水法特教擔柳毅

特汲柳毅井泉

麴材先已謝桐君

麴不用藥

牀頭夜滴晴堦雨甕面

香浮暖閣雲莫笑陶公巾自漉年來正策醉鄉勲

徵明飲怡老園有詩次其韻

吳王銷夏有殘闌特起幽亭據要津剩水繞時傷往事  
短牆缺處見行人綠楊動影魚吹日紅葉留香蜨護春  
為問午橋閒相國自非劉白更誰親

馬中錫

送王生南歸

都市場花撲酒杯送君迢遞去天台應憐青史何蕃傳  
故下黃金郭隗臺風軟林鶯當路囀日高檣燕領潮回  
今宵那是相思處人倚南樓月欲來

送畢秀才還安東

綠樹陰濃梅子黃南風一棹返江鄉馬因送客臨清渚  
鳥似留人語夕陽此日不須歌折柳他年還擬看穿楊  
到家故舊如相問莫說從游馬季常

憶東郭別墅

別來水北原南圃夜夜相思夢裏行  
曲徑總教苔蘚合  
短牆應有蒺藜生  
東風白晝閑花事  
落日青林自鳥聲  
回首光陰易流轉  
不知身在鳳皇城

和吳艾夫

落花香靄燕銜泥  
湖上薰風柳夾堤  
回磴下觀山遠近  
斷橋平隔岸東西  
水浮荇帶紅猶濕  
雨插秧針綠未齊  
遊客去來禽鳥樂  
樹林陰鬱夕陽低



和劉振之感懷

垂柳陰陰覆苑池  
省中春去吏先知  
宮鶯捎蜨衝閒幔  
簷雀將雛過別枝  
盡日皁囊無一事  
幾時黃色見雙睂  
為郎媿我身先老  
白髮年來漸覺私

山行限韻

春風湖上杖藜行  
水碧沙明眼界清  
得句漫題蕭寺壁  
逢僧閒問遠山名  
莓苔有徑俱人跡  
花柳無村不鳥聲  
回首却驚歸路晚  
幾時聽鼓再離城

看花湖上得歸遲花滿南枝共北枝細雨釀寒纔歇後  
遊絲墮地更飛時酒香茅店人初到春去園林鳥未知  
不是紅塵山路少東風無力馬前吹

十四日遊甕山次謝于喬太史韻

柳外湖光花外樓四時佳興屬春遊隔林陽燄初疑馬  
度水晴雲欲亂鷗客醉不禁寒食酒僧歸還上夕陽舟  
自慚潦倒東風裏也復看山逐勝遊

官莊道中

漠漠平沙野望寬  
漢家小苑近長安  
孤鴻墮日青山小  
萬馬嘶風白草寒  
遠火隔村明候館  
驚塵如霧撲征鞍  
長途不盡吟懷倦  
始覺人間行路難

和楊重光韻兼東照一天上人

高樹涼生暑解嚴  
客窗風味許誰兼  
越南羈客惟莊舄  
吳下詩僧數道潛  
賓館有時勞貰酒  
故山無日不鉤簾  
止緣禁直經過少  
滿地蒼苔護筍尖

曉發甘泉

金  
肩輿清曉發甘泉風雪遙連塞外天野店客敲門問酒  
土窑人隔水炊煙山無草木還多石地產氈裘不衣綿  
試叩征夫前去路戍鴉聲裏是延川

再發安塞

塞門東望雪初晴驄馬遙遙趁曉行面日遠山明似近  
背風深塹積皆平僧開野寺林鴉散人叩柴扉若犬鳴  
不是六花妝點好黃沙白草若為情

把都河堡

行臺無事戶多封  
睡起支頤百念慵  
風柳似為渾脫舞  
雨花常帶別離容  
城圍白屋高低住  
簾捲青山遠近重  
日暮詩成吟未穩  
一聲忽送戍樓鐘

柳樹澗廢城和壁間王威寧韻

野色蒼茫帶遠岑  
空城歲久白蒿侵  
更無粉堞悲笳隱  
惟有黃沙古道深  
荒日晝昏人影絕  
剛風西起塞雲陰  
題詩豪客今何處  
牢落襟懷付短吟

賦得荷葉露應教

花氣侵晨濕畫欄池荷如洗翠團團誰將天上金莖露  
瀉入波心碧玉盤風動每愁爐汞走雨餘應訝浦珠寒  
十年曾作西垣客此景清從太液看

南都官舍寓懷

門臨流水夾垂楊庭院深深晝景長青竹妥梢山雨足  
綠荷翻葉水風涼書憎燕入銜泥浣花喜蜂來帶蜜香  
造物似知人健作故令官拜水曹郎

西掖晚歸有感時事聊賦述短章用呈同志者

矮窗缺月照人寒  
殘雪留簷凍不乾  
衰信已憑雙鬢寄  
世緣聊作一枰看  
斜封官好空批敕  
神武門高未挂冠  
悞却登山與臨水  
十年騎馬走長安

吳洪

客中和史明古

一尊誰共合朋簪  
又見空階覆綠陰  
草色不銷游子恨  
月光偏照故人心  
霜前白雁音書在  
雨外青山別路深  
安得攜琴溪上去  
社中重覓舊知音

題五同會圖和匏菴濟之

劍珮聯翩向玉闥東吳人物應文奎侍朝並立螭頭下  
退直同歸鳳闕西諸老耆英真不忝菲才疎拙愧難齊  
太平遭際須歌頌上國風花共品題

四燕詩為周行之賦

八座歸來且耄期五朝遭際記恩私自從擢桂賓興日  
次第簪花釋褐時玉帛南郊陪鹵簿鼓鐘東序覩威儀  
迂慵近日耽周禮容賦先生四燕詩



王弼

出城

今晨不為閒遊出不為閒遊興亦嘉帶雨青山十餘里  
傍雲茅屋兩三家斷流已作方塘水舊雨猶殘半樹花  
欲借蘆根安釣石不知誰管碧溪沙

梁儲

元夜

尊前休問夜如何且聽佳人達曙歌圓月向人偏皎潔

緒風吹面正清和星從左个將春至雁向南樓帶字過  
翹首五雲最深處千觴應助聖顏酤

林俊

讀唐人錢起詩黃綬罷來多遠客青山何處不  
愁人之句

林園樂事頗相關不換神仙祇一閒荒徑也須存白菊  
愁人原不是青山將雛野鶴飛還舞釀蜜崖蜂去却還  
涼月孤舟自濃睡乘流知下幾溪灣

勸駕述懷次東所韻

霜前黃葉漫秋山瘦竹疎花共晚閒老去筋骸翻自念  
日來雲水信相關經心楊柳三眠外作意棋枰一著閒  
好是內庖羞獨割凍梨慚改故時顏

包鼎

己丑下第南還

孤舟千里賦南歸慚愧逢人問禮闈野浦關情芳草遠  
曲江回首杏花稀半生事業雙蓬鬢十載風塵一敝衣

臨水高歌向何處夕陽煙樹共依微

孫衍

寄沈宗遠

挂席曾逢江上舟別來彈指又經秋閒從何處爭棋局  
醉共誰人較酒籌金鯽魚池芳草合女蘿花樹小庭幽  
客中無限相思意坐對寒燈獨自愁

楊廷和

送周少宰秦府分封

少宰分封出御批二函新冊爛金泥恩波入渭天潢近  
使節臨關華嶽低銓事暫辭流內外民風兼問陝東西  
肩輿不覺驅馳倦餘興猶能及品題

送神武蔡千戶致仕還湖州

進士中  
孚之父

神武挂冠歸舊隱赤松相伴話長生車前紫氣青牛引  
天上新聲綵鳳鳴軍務不關惟白戰醉鄉何處是烏程  
太湖合是逃名地畫舫絃歌自在行

趙寬

行臺日暮偶成

何處蕭蕭暝色侵海雲將雨過寒林間關旅雁天涯路  
寂歷啼螿歲暮心槁木嗒然聊隱几飛蓬搔盡不勝簪  
松垣深掩黃昏靜惟有爐薰對苦吟

三月八日省中偶成

省中事少稱閒情白日高眠飽飯行起得幽亭尋竹種  
汲來新水乞茶烹牆隈風靜花仍落樹下人來鳥不鳴  
忽憶四郊前夜雨欲從田畷問春畊

題扇贈金明府

鷺谿一幅剪裁工  
玉雪娟娟在眼中  
為我閭閻消溽暑  
自君懷袖發清風  
掄材定覺蒲葵陋  
入侍還看雉尾同  
怪底循良多善治  
長持明月照羣蒙

次韻荅存敬見憶之作時存敬將奉使山東

每覺清談左席虛  
憶君長在惜春餘  
楊花榆莢皆離思  
香炷燈光共索居  
風月正憐吟社冷  
園林應怪賞心疎  
河橋更有明朝事  
欲倩東風挽佩琚

春暮遊西郊過釣魚臺遂至趙氏莊居留飲

紫陌聯鑣不動塵天將一雨助遊人西溪看竹門空掩  
北苑尋花酒更新案牘偷閒聊一日園林成趣已三春  
吾儕會合應非偶莫遣樊籠繫此身

桐江

乍啟蓬窗豁睡眸桐江煙景正悠悠青山隔岸千螺疊  
白鷺衝波片玉流日弄行雲棲樹杪風將疎雨過船頭  
越中無限清華境欲恣幽探不可留



走筆送何以仁

傾蓋湖邊懷抱開胸中了不挂纖埃乘涼武穆祠前樹  
遣興巢居閣上杯乍到山林如舊識遄歸猿鶴定相猜  
知君未斷煙霞意暑退秋涼更一來

題畫


目極江湖不可攀偶披圖畫一開顏春深草閣林隈暖  
日落扁舟渡口閒山色正濃雲隔斷海天無盡鳥知還  
耳邊彷彿疎鐘度疑在蒼茫杳靄間

方向

桃源道中

桃源西望是辰州兩境中分五置郵  
征旆影隨紅樹沒  
水帶夕陽流關山迢遞孤臣路  
風物淒涼滿地秋  
飄零竟何事獨騎瘦馬重回頭

御選明詩卷七十六



總校官庶吉士臣侍朝

校對官編修臣莫瞻菴

謄錄監生臣和其聲